



Эхэ найхан нютагаа эд хамта мандуулаа!

# БУРЯАД ҮНЭН

1921 оной  
декабрийн 21-нээ  
гарана

Бүгэдэ  
арадай  
газетэ

1996  
ФЕВРАЛИИН  
6  
Үбэлэй һүүл шаргашан  
үхэр  
һарын 17  
ВТОРНИК  
гарагай 3  
№23 (19363)  
Газетын сэн  
хэлсээтэ.

## ПРАВИТЕЛЬСТВЫН ХҮДЭЛМЭРИЙН ДОЛООН ХОНОГ

Буряад Республикын Правительствын Президиумэй февральин 6-да болохо заседани дээрэ Захааминай болон Түнхэнэй аймагуудай ажахынуудта малай үбэлжэлгын ябаса тухай, 1996 ондо республикын хүн зоние ажалаар хангалгада нүлөөлхэ программа тухай, социальна халбариин объектүүдтэ дулаанай элшэ хүсэ хэрэглэлгын ашаг үрые дээшлүүлхэ тухай асуудалнууд зүбшэн хэлсэгдэхэ байна.

Экологиин болон байгаали ашаглахын асуудалнуудаар республиканска зүблөөн февральин 8-9-дэ болохо.

Буряад Республикын Президент А. В. Потапов ажалынгаа хэрэгээр Түнхэнэй болон Ахын аймагуудаар ябажа, ажалшадайн хэрэгүүдтэй, ажабайдалтай танилсаха хараатай.

Правительствын Түрүүлэгшын нэгэдэхи орлогшо В. К. Агаловай хүтэлбэрилдэг министрствэнүүд болон албан зургаануудта хабарай тарилгын хүдэлмэридэ ажахынуудай бэлдэхэ хүдэлмэри үргэлжлүүлэгдэхэ байна. Ой модоной ажахын министрствын хүтэлбэрилэгшэд февральин 5-һаа 8 болотор Россин Ой модоной ажахын федеральна албанай коллегийн заседанида хабаадаха юм. Үнгэрһэн жэлэй туршада ой модоной ажахын ажал ябуулга энэ долоон хоногто министрствэдэ мүн лэ шэнжэлэгдэхэ байна. Байгал дээрэ хангалтагүй үзэгдэлүүдэй тохёолдожо байһан ушарай технико-экономическа үндэһэ хуури зохёохын тула Уһанай ажахын комитедтэ документаци бэлдэгдэхэ.

Правительствын Түрүүлэгшын орлогшо А. Н. Жильцовой харгалзалан хүтэлбэрилдэг Экономикын министрствэдэ 1996 ондо федеральна бюджетдэһэ һомологдохо тусхай зорилготой программанууд, эдэнэй хэмжээнүүд тододхогдохо байна. Хойто-Байгалай аймагай болон Северобайкальск хотын бюджетдэй гүйсэдхэлые Финансын министрство үргэлжэ дээрэн шалгаха, республика дотор эд бараанай урьһаламжын тусхай зорилготойгоор ямараар хэрэглэгдэдэг байһые шалгаха мэдээсэлые согсолхо. Статистикын талаар гүрэнэй комитет үхэр малай тоо бүридхэл абаха байна.

Правительствын Түрүүлэгшын орлогшо А. Ч. Нимаевагай харгалзалан ударидадаг Залуушуулай хэрэгүүдэй, аяншалгын, физическэ культура болон спортын талаар гүрэнэй комитет Байгал шадарай нютагуудта

аяншалгын эблэлэй суглаае февральин 6-һаа 11 болотор үнгэргэхэ. Хүндэ атлетикээр республикын түрүү һуури эзэлхын түлөө мұрысөөн февральин 5-һаа 11, даамаар мұрысөөн февральин 5-8-да эмхидхэгдэхээр хараалагдана. Социальна хамгаалгын министрство пенсинүүд болон тэдхэмжэнүүдые саг соонь түлэхэ асуудалаар Улаан-Үдэ хотын почтын таһагууды шалгаха юм. Эрдэм һуралсалай министрствэдэ энэ долоон хоног айхабтар хүшэр хүндэ байхаар хүлээгдэнэ. Республикын оюутадай олимпиадада бэлдэхэ асуудалаар НИРС-ын республиканска соведэй заседани февральин 8-да үнгэргэгдэхэ. Мухар-Шэбэрэй аймагай һургуулинуудай багшанарай зүблөөн болон Яруунын аймагай залуу багшанарай слёт февральин 9-дэ болохо.

Правительствын Түрүүлэгшын орлогшо А. П. Табалаевай харгалзалан ударидадаг промышленноостиин элшэ хүсэнэй ба транспортын министрствэдэ үнгэрһэн жэлдэ промышленноостиин ажал хэрэгүүдэй ямар байдалтай байһаниинь шэнжэлэгдэхэ. Барилгын болон архитектурын министрствэдэ барилгын комплексдо түлбэринүүдэй талаар үри шэридэ оролгые усадхаха асуудалнууд хаража үзэгдэхэ байна. 1996-2005 онуудта республикын гадаадын экономика ажал ябуулгые багсаамжалан тодорхойлолго Гадаадын экономика холбооной министрствэдэ зохёогдохо юм. Граждан оборонын ба онсо байдалай хэрэгүүдэй талаар комитет Сэлэнгын аймагта граждан оборонын ямар байдалтай байһые шалгаха.

Правительствын Түрүүлэгшын орлогшо Н. А. Астапенкын хүтэлбэрилдэг Зөөри эрхилхэ талаар гүрэнэй комитедтэ "Бурятмебель", "Челугайлес" гэжэ акционернэ бүлгэмүүдэй, "Гэсэр" гостиницын захиргаанай республикын Президентдэ хандаһан Хандалга тушаа дурадхалнууд бэлдэгдэжэ байна. Республикын Зөөрин жаса Сэлэнгын холимог тэжээлэй заводой дүүргэгдээгүй барилгын объектые худалдаха талаар аукцион - февральин 6-да, "5-дахи хилээмэнэй бааза", "Домостроитель Азии", "Буряткнига", "Ливона" болон бусад акционернэ бүлгэмүүдэй акцинуудые худалдаха мүнгэнэй аукцион февральин 8-да үнгэргэгдэхэ юм. Жэлэй дүнгүүдээр Зэдын, Захааминай болон Түнхэнэй аймагуудай типографинуудай мүнгэн хангай-экономическа ажал ябуулгые шэнжэлхэ хүдэлмэри ябуулагдаха.

Буряад Республикын Президентын ба Правительствын хэблэлэй албан.

## ТУСХАЙ БҮЛЭГ БАЙГУУЛАГДАБА

Буряад Республикын Правительствын захиралтаар "Районно газетэнүүдые экономика талаһаа дэмжэхэ тухай" Хуулийн проектые зохёон табиха талаар хүдэлмэрийн бүлэг байгуулагдаба.

Республикын Журналистнуудай холбооной түрүүлэгшэ В. П. Ерохин тус бүлэгые толгойлно. Хуулийн проект Правительствын үзэмжэдэ мартын 15-да табигдаха юм.

Буряад Республикын Президентын болон Правительствын хэблэлэй албан.

## Буряад Республикын Арадай Хуралай

ТОГТООЛ

### РОССИН ФЕДЕРАЦИИН ПРЕЗИДЕНТДЭ БУРЯАД РЕСПУБЛИКЫН АРАДАЙ ХУРАЛАЙ ХАНДАЛГА ТУХАЙ

Чечен Республикада сэрэгэй ябуулгануудай эршэмтэйгээр хэргэгдэһэнһээ, Россин эрхэтэдэй олоороо алуулһанһаа уламжалан, Буряад Республикын Арадай Хурал иигэжэ тогтооно:

1. Россин Федерацийн Президент Б. Н. Ельциндэ хандаһан Хандалгын текстые баталха (хабсаргадана).
2. Тус Хандалгые Россин Федерацийн Президент Б. Н. Ельциндэ эльгээхэ.
3. Хандалгын текстые Россин Федерацийн Федеральна Сутлаанай Федерацийн Советдэ, Гүрэнэй Дүүмэдэ эльгээхэ

Буряад Республикын Арадай Хуралай  
Түрүүлэгшэ М. И. СЕМЕНОВ.

Улаан-Үдэ хото.

### РОССИН ФЕДЕРАЦИИН ПРЕЗИДЕНТДЭ БУРЯАД РЕСПУБЛИКЫН АРАДАЙ ХУРАЛАЙ ХАНДАЛГА

ХҮНДЭТЭ БОРИС НИКОЛАЕВИЧ!

Чечняда хоёрдохи жэлээ үргэлжлүүлэгдэжэ байһан сэрэг дайнай ябуулганууд федеральна сэрэгүүдэй хүсөөр Чечен Республикада конституционнo гурим хэргээхэ гэлэн шийдхэбэрийн алдуу эндүүтэй байһые элирхэйлэн гэршэлнэ.

Тэрэниие үргэлжлүүлэһэнһээ уламжалан, манай общество дотор экономика ба моральна хохидол улам ехээр тохёолдуулагдаһа; эгээл хангалтагүй юмэниинь гэхэдэ, олон мянган хүнэй ами наһа таһалһан ушарые юугээршые сагааруулхын аргагүй, байна.

Россин болон Буряадай хүн зоной олонхидто ойлгогдосогүй шухата муухай хэрэгтэ түрэлхи гэрһээ олон мянган модоной газарта нютагаймнай гол түлэб 18-20 наһанай эдир залуу хэдэн арбаад хүбүүд наһа бараба.

Бидэ Таңда иимэ эрилтэнүүдые табинабди:

- Чечен Республикын газар дайда дээрэһээ сэрэгүүдые дары гаргажа, дайнай ябуулгануудые болуулаха;
- эндэхи оршон байдалда бодото нүлөө үзүүлхэ ээсэгтэ бүлэглэлнүүдэй хүтэлбэрилэгшэдтэй хөморооо политическэ аргаар гуримшуулаха тухай хөөрэлдөөнүүдые эхилхэ;
- сэрэг дайнай бүхы ябуулгануудай бүрин хүсэдөөр болуулагдатар, Чечен Республикын экономика хэргээхэ хэмжээ ябуулгануудта мүнгэ һомололгые зогсоохо.

## Хурьга абаха - харюусалгатай хаһа

ТАБЯАД ХУРЬГАН

Яруунын аймагай хүдөө ажахын "Ярууна" кооперативай эхэ хонидой отаранууд дээрэ түл абаха харюусалгатай хаһа эхилбэ. Ахалагша хонишон Борис Батуевич Будаевай даадаг бригадын гэшүүд түрүүлэн, түл абаха хаһая захалжа, мүнөө эндэ табяад хурьган тоологдоно. Бэрхэ хонишон түл абалгадаа түгэс бэлдээ юм. Байра байдалаа найнаар түхээрһэн, харша хаамагуудаар холбожо, хорёонуудаа бодхоохон байна.

Үбһэн, зеленко, холоомон гэхэ мэтэ зүйлэй тэжээл яһала элбэг бии. Хонидой, томо болоһон хурьгадай долёохо даһан асарагданхай. Юрэдөөл, Борис Будаевич байгша ондо найнаар хүдэлжэ, шадаал наа, олон хурьгадаы абажа түлжүүлхээр шийдэнхэй.

А-Ц. ДОРЖИЕВА.

ХОНИШОД ЕХЭ СҮЛӨӨГҮЙ

Үбэлэй һаари хүйтэнэй эдэ үдэрнүүдтэ Яруунын аймагай "Победа" колхозой эхэ хонидой отаранууд дээрэ ехэл сүлөөгүй хаһань оронхой. Эхэ хонидой дүрбэн отарада тус тустань 200-аад хурьган абтаба. Бэшэшые отарануудта түл абалга һаянай эхилбэ.

Ажахын 6420 эхэ хонинһоо мүнөө жэлдэ түл абтахань гээшэ.

Манай корп.



кандидат (шэлэгдээн кандидатуудай үүлээр) хоёрдохи кандидат болгогдодог.

Дахяад дуугаа үгэлгын дүнгүүдээр нүгөөдэ кандидатдаа олон хүнэй дуугаа үгэлгэдэ хүртэһэн кандидат хунгаданада тоологдодог.

**СТАТЬЯ 57. Хунгалтые Дахяад Үнгэргэлхэ.**

Хэрбээ Россин Федерациин Президентын хунгалтануудай болоогүй гэжэ мэдэрэгдэбэл гү, али дахяад дуугаа үгэлгын үедэ Россин Федерациин Президентээр нэгэиһе кандидатдай хунгадгаагүй байбал, Россин Федерациин Федеральна Сутлаанай Федерациин Совет Россин Федерациин Президентын дахяад хунгалтануудые томидог.

Россин Федерациин Президентын тушаалда кандидатые дэбжүүлгэ болон бүридхэдэ абалга, дахяад хунгалтануудые үнгэргэлгэтэй холбоотой хунгуулин бусад ябуулганууд тус Федеральна хууляар тогтоогдоһон гуримаар бэелүүлэгдэдэг. Дахяад хунгалтануудай үедэ тус федеральна хууляар тодорхойлогдоһон хунгуулин ябуулгануудай болзор гурбанай нэгэ хубяар үсөөрүүлэгдэдэг. Дахяад хунгалтануудые үнгэргэхэ тухай соносхол олоңдо мэдээсэл тараалгын хэрэгсэлнүүдгэ толилогдодог.

Эхин хунгалтануудай үнгэргэгдэһэн үдэрһөө дүрбэн араһаа хойшо болгогдонгүйгөөр дахяад хунгалтанууд үнгэргэгдэдэг.

Хэрбээ дахяад хунгалтануудай үнгэргэгдэхэ болоо һаань, эхин хунгалтануудые гү, али дахяад дуугаа үгэлгы бургуушаан болоулгада үндэһэн боложо үгэһэн хуули буса ябуулгануудые гаргаһан кандидатууд дахяад хунгалтануудга хабадуулагдадаггүй.

**СТАТЬЯ 58. Россин Федерациин Президентын хунгалтын дүнгүүдые хэблэдэ гаргалга.**

Россин Федерациин субъект, дэбисхэр, хунгуулин участок бүхэндэ үнгэргэгдэһэн дуугаа үгэлгын дүнгүүд (зохиго хунгуулин комиссион протокол соохи мэдээнүүдэй хэмжээн соо) ямаршые хунгагшада, ажаглан харагшада, мүн олондо мэдээсэл тараадаг хэрэгсэлнүүдэй түлөөлэгшэдэ харуулагдадаг.

Хунгалтын үүлээр табан үдэрһөө хойшолуулангүйгөөр территориальна хунгуулин комисси дуугаа үгэлгын дүнгүүд тухай протокол соохи мэдээнүүдые толидог. Харин участково хунгуулин комиссиуудай дуугаа үгэлгын дүнгүүд тухай протоколнууд соохи мэдээнүүд хунгалтын үүлээр арбан табан үдэрһөө хойшолуулагдаһангүйгөөр толилогдодог.

Россин Федерациин Түбэй хунгуулин комисси олондо мэдээсэл тараалгын хэрэгсэлнүүдгэ Россин Федерациин Президентын хунгалтын дүнгүүдые, тэрэ тоодо Россин Федерациин субъектүүдэй бүхы хунгуулин комиссиуудай дуугаа үгэлгын дүнгүүд тухай протоколнууд соохи мэдээнүүдые хунгалтын үүлээр араһаа хойшо болгонгүйгөөр толидог.

Россин Федерациин Президентын хунгалтын үүлээр гурбан араһаа хойшо болгонгүйгөөр Россин Федерациин Түбэй хунгуулин комисси оорынгоо хэблэлэй зургаанда дуугаа үгэлгын болон хунгалтын дүнгүүд тухай мэдээсэл (участково хунгуулин комиссиуудһаа бэшэ бүхы хунгуулин комиссиуудай протоколнуудай дүүрэн мэдээнүүдые оруулан) гаргадаг.

**СТАТЬЯ 59. Автомат оньһоор бүтээгдэһэн мэдээсэл хэрэглэгэ.**

Хунгалтануудай үедэ автомат оньһоор бүридхэгдэһэн мэдээсэл хэрэглэһэн ушарта хунгуулин комисси өөһэдэньгөө гэшүүдэй дундаһаа шиидхэхы ба зүблэхы дуугай бүлэг байгуулагдаг (автомат оньһоор бүридхэгдэһэн мэдээсэл хэрэглэлгын хойноһоо хинан шалгахы). Хунгуулин комиссион бүхы гэшүүд тэрээндэ оруулагдадаг ба тэрээнһээ гаргалгын хойноһоо мэдээсэлтэй танилсаха эрхэтэй.

Дуугаа үгэлгын эхинһээ ба Россин Федерациин Түбэй хунгуулин комиссион протоколдо гар табилга хүрэтэр автомат оньһоор бүридхэгдэһэн мэдээсэлэй турим дуугаа үгэлгын болон тэрээнэй дүнгүүдые гаргалгын хойноһоо адаглаһын түлөө хэрэглэгдэдэг.

Энэ үе соо хунгуулин комиссиуудай мэдээсэлэй түбүүдэй бэе бэедэ ямар бэ нэгэ мэдээнүүдые дамжуула хоригодог.

Мэдээсэлэй системээр абтаһан дуугаа үгэлгын ябаса болон тэрээнэй дүнгүүд тухай мэдээнүүд уридшалан гаргаданаһан юридическэ хүсэгүй мэдээсэл гэжэ тоологдодог.

Хунгуулин комиссион протоколдо (хунгуулин комиссион секретарьта хадагалагдадаг) мэдээсэлэй системэдэ оруулагдаһан мэдээнүүдтэй компьютерна текст хабсаргагдадаг. Мэдээсэлэй системые хэрэглэлгын хойноһоо хинаха талаар бүлэгэй гэшүүд ба мэдээсэл оруулагын түлөө харьюсагша гарнуудаа табижа, компютераар гаргаданаһан гэршэлдэг.

**БҮЛЭГ IX. РОССИН ФЕДЕРАЦИИН ПРЕЗИДЕНТЫН ТУШААЛДАА ОРОЛГО**

**СТАТЬЯ 60. Россин Федерациин Президентын тушаалдаа оролго.**

Россин Федерациин Конституцитай болон тус федеральна хуулитай зохилдуулан хунгаданаһан Россин Федерациин Президент Россин Федерациин Түбэй

хунгуулин комиссион Россин Федерациин Президентын хунгалтын дүнгүүд тухай соносхоһонһо хойшо гушадахи үдэртөө тушаалдаа ородог.

Россин Федерациин мүнөө байһан Президент Росси Федерациин шэнэ Президентын тушаалдаа орох болотор этигэмжэ түлөөлэгшээ бэелүүддэг.

**БҮЛЭГ X. ЭРХЭТЭДЭЙ ХУНГУУЛИН ЭРХЭНҮҮДЫЕ ЭБДЭНЭНЭЙ ТҮЛӨӨ ХАРЬОУСАЛГА**

**СТАТЬЯ 61. Эрхэтэдэй хунгуулин эрхэнүүдые эбдэһэнэй түлөө харьюсалга**

Эдилгэ үгэлгын, мэхэлэлгын, хүсэ хэрэглэлгын аргуудые хэрэглэһэн, хунгуулин документнүүдгэ заһабари оруулан, дуугаа үгэлгын дүнгүүдые зорюута буруугаар тооложо гаргаһан, үгы гэбэл, ондоо арга мэхэ хэрэглэжэ, Россин Федерациин эрхэтэнэй хунгаха эрхээ дүүргэхэдэнь, мүн хунгуулин комиссион, үгышые һаа, тэрээнэй гэшүүдэй хүдэлмэридэ һаалта хэһэн, кандидатууд тухай хуурмаг мэдээнүүдые тарааһан, кандидатай нэрэ хүндые унагааһан бусад ябуулгануудые хэһэн хүнүүд, тийхэдэ кандидатуудай, ажаглагшадай, тэрэ тоодо тараадын (уласхоорондын) ажаглан харагшадай этигэмжэтэ нюурнуудай хуули ёһоной ажал ябуулагда зорюута һаалта хэгшэд административна гү, али уголовно харьюсалгада хабадуулагдадаг.

**БҮЛЭГ XI. ТҮГЭСХЭЛЭЙ ДУРИМУУД**

**СТАТЬЯ 62. Тус федеральна хуулин хүсэндөө оролго.**

Тус федеральна хуули толилогдоһон үдэрһөө хойшо хүсэндөө ородог.

Россин Федерациин Президент **Б.ЕЛЬЦИН.**

Москва, Кремль.  
1995 оной майн 17.

Хабсаргалта 1

**ГАР ТАБИЛГЫН ХУУДАНАН**

(Россин Федерациин субъект; Россин Федерациин эрхэтэдэй гар табилгын оронһоо гадуур суглуулагдабал, тус хариин гүрэн заагдадаг)

Бүридхэлдэ абалгын үнэмшэлгын номер \_\_\_\_\_

Бидэ, доро гар табигшад, Россин Федерациин Президентын тушаалда кандидатаар \_\_\_\_\_

түрэхэн \_\_\_\_\_ ажалладаг \_\_\_\_\_

ажалуудаг Россин Федерациин эрхэтэн \_\_\_\_\_

\_\_\_\_\_ хунгуулин нэгэдэлээр

дэбжүүлэгдэһэниие дэмжэнэбди.

№ п/п	Обог, нэрэ, алдар	Түрэхэн үдэр	Ажаһуудаг газар	Паспорт гү, али тэрэниие үнэмшэлхэн документаын сери ба номер	Гар табилгын үдэр	Гар табилга
1						
2						

Гар табилгын хуудаһа баталнаб: \_\_\_\_\_

(гар табилгануудые суглуулагшын обог, нэрэ, алдар, ажаһуудаг газар, паспорт гү, али тэрэниие үнэмшэлхэн документаын сери ба номер)

(Гар табилга ба һара, үдэр)

хунгуулин нэгэдэлэй бүрин эрхэтэ түлөөлэгшэ: \_\_\_\_\_

(хунгуулин нэгэдэлэй бүрин эрхэтэ түлөөлэгшын обог, нэрэ, алдар, ажаһуудаг газар, паспортын гү, али тэрэниие үнэмшэлхэн документаын сери ба номер)

(Гар табилга ба һара, үдэр)

Хабсаргалта 2

**ГАР ТАБИЛГЫН ХУУДАНАН**

(Россин Федерациин субъект; Россин Федерациин эрхэтэдэй гар табилгын оронһоо гадуур суглуулагдабал, тус хариин гүрэн заагдадаг)

Бүридхэлдэ абалгын үнэмшэлгын номер \_\_\_\_\_

Бидэ, доро гар табигшад, Россин Федерациин Президентын тушаалда кандидатаар \_\_\_\_\_

түрэхэн \_\_\_\_\_ ажалладаг \_\_\_\_\_

ажалуудаг Россин Федерациин эрхэтэн \_\_\_\_\_

\_\_\_\_\_ хунгуулин бүлэгөөр

дэбжүүлэгдэһэниие дэмжэнэбди.

№ п/п	Обог, нэрэ, алдар	Түрэхэн үдэр	Ажаһуудаг газар	Паспорт гү, али тэрэниие үнэмшэлхэн документаын сери ба номер	Гар табилгын үдэр	Гар табилга
1						
2						

Гар табилгын хуудаһа баталнаб: \_\_\_\_\_

(гар табилгануудые суглуулагшын обог, нэрэ, алдар, ажаһуудаг газар, паспорт гү, али тэрэниие үнэмшэлхэн документаын сери ба номер)

(Гар табилга ба һара, үдэр)

хунгуулин бүлэгэй бүрин эрхэтэ түлөөлэгшэ: \_\_\_\_\_

(хунгуулин бүлэгэй бүрин эрхэтэ түлөөлэгшын обог, нэрэ, алдар, ажаһуудаг газар, паспортын гү, али тэрэниие үнэмшэлхэн документаын сери ба номер)

(Гар табилга ба һара, үдэр)



## ЕРЭЭДҮЙН МЭРГЭЖЭЛТЭДЫЕ БЭЛДЭХЭ

**(“УФУК” гэж нэрлэгдэн эрдэм нуралсалай түүрэг  
фирмын жасые байгуулгын баяр ёһолоһоо тэмдэглэл)**

Түүлэй үедэ эрдэм-нуралсалай эмхинүүд хубилгагдажа, лицейнүүд, гимназиууд, бусад гүхэлнүүд манай республика дотор бии болгодоо. Гурбан жэлэй саана буряад-түүрэг лицей Улаан-Үдэдэмнай бин болгодожо, тэндэ гансал хүбүүд хурадаг болонхой.

Наяхан “Бурятия” гостиницын хоёрдох даххарай ресторан соо “УФУК” гэжэ түүрэг эрдэм нуралсалай фирмын жасые байгуулгын баяр ёһолол үнгэргэгдэн байна. Сонхонуудтань гурбай ондоо тугууд (Россия, Буряад Республикын, Турциин) үлгөтэй байба. Найдэрэйхээр шэмэглэгдэн эдэ хоолтой ута столдо баяр ёһололдо ерэн эрдэм нуралсалай хүдэлмэрилэгшэд, багшанар, түүрэг айлшад, журналистууд уригдажа хууба.

—Буряад Республикын Президент, господин Потаповай, эрдэм нуралсалай дарганар Сергей Намсараев, Дулма Дугарова, бусад ай дэмжэлгээр буряад-түүрэг лицей нээгдэж, хүүгэдые дүрбэн тэгшээр хүмүүжүүлхэ, эсэгынгээ нэрэ нэрлүүлхэ хүнүүд болохо ажал ябуулагдана. Энэ жаса бии болгоходоо, шадаха зэргээрээ туна хүргэхэ зорилго табинабди. Тийхэдэ буряад, ород, түүрэг арадуудай хани барисае саашадаа улам бэхжүүлхэ, гэршэлэн эрдэм нуралсалда, мүн бүхыдөө экономикын хүгжэлтэдэ тулалха хүсэлтэйбди. Хамтадаа Сибирьтэ (Саха Яхадта, Тывада, Хакасида) 3 лицей бии. Монголд — 2 лицей. Жасымнай байгуулгын баярые хубаалдахаяа ерэндэтнай баярые хүргэнэбди, — гэжэ тус жасын президент, захиргаанай гулваа Садеттин Башер хэлээд, бултаниие эдэнэй дээжэлээ хүргэхые уриба.

Түүлдэнэ үгэ хэлээн республикын эрдэм нуралсалай министр С. Д. Намсараев түүрэг нүхэдөө амаршалха зуураа хүүгэдые хургаха гэшэ нангин хэрэг, хамта хуража, элдэб хэлэнүүдые суг үзэжэ, болбосоролой харгы руу, найхан ерээдүй тээшэ хамта дабшаха гэнэн зорилго гол болоно, эбтэй эетэй, амгалан тэнюун ажаһууя, сэхэ сэбэр харилсаамнай мандаг гэжэ тэмдэглээ.

“Иимэ лицей байгуулга хадаа шэнэ онол арга, бүхэдэлхэйн эрилтэдэ хүрэмэ стандарт тээшэ найн ахам болоно, тийгэжэ эрдэм нуралсалай энэ бүридэлдэ мүнэ номологые

белүүлхэ хэрэгтэ аша тухатай жаса гэжэ ойлгохо ёһотойбди. Наяхан үнгэргэгдэн конференциин (эрдэмтэ, багша С. Г. Дугаровай 75 жэлэй ойдо зориулагдаа) үедэ Шэтын, Эрхүүгэй багшанар, хүтэлбэрилэгшэд хотын хургуулинуудтай, тэрэ тоодо буряад-түүрэг лицей яһала найн үрэ дүнтэй ажалтай танилсаа” гэжэ хотымнай захиргаанай эрдэм нуралсалай таһагай начальник Д. Ц. Дугарова онсолоо.

Дүтэрхы хэлэтэй байнабди гэжэ хэлээн БГУ-гай профессор, хэлэ бэшэгэй эрдэмэй доктор Ш.-Н. Р. Цыденжапов түүрэг хэлэн дээрэ амаршалга уншаба. БГУ-гайхид гарай бэлэг болгон баг барюулаа, буряад ёһоор хадаг дамжуулаа. Жасын байгуулагдаһанай баяр ёһололдо СССР-эй арадай артист Ким Иванович Базарсадаев, буряад-түүрэг лицейн директор, господин Ахмед, директорэй орлогшо Василий Абгалович Буинов, хүүгэдээ хургадаг түрэлхид хабаадажа, үгэ хэлээ.

Эндэхи тайзан дээрэ буряад-түүрэг лицейдэ хурадаг хүбүүд концерт наада харуулаа. Түүрэг, англи хэлэнүүдээрэ дуунуудые тэдэнэр гүйсэдхэнэ байна. Илангаяа түүрэг, буряад, ород, англи хэлэнүүд дээрэ харуулагдаһан үзэгдэлэй удхаар эдэ хүбүүд энэ лицейн хүүдэ дээшээ хуража, ерээдүйн президент, дипломат, ехэ ехэ тушаалтай хүнүүд болоһоноо харуулжа, эндэ сугларгаһадые хүхэбэ.

Хажуудаа хууһан буряад-түүрэг лицейдэ багшалдаг господин Ирфанбей (бей-господин гэнэн удхатай) гэжэ физикэ, биологи, хими заадаг 24 наһатай хүршэтээ танилсажа хоорэлдэбэбди. Анкарада университет дүүргэһэн, нүдэндөө шэлтэй, гонзод гэнэн сагаан шарайтай Ирфанбей хөөрэхэдөө, “манай хургадаг хүбүүд ехэ оролдосотой, тиймэһээ бидэншые найнаар, дүрбэн тэгшээр хургаха гэжэ оролдонобди. Эдэ үхибүүд яһала найн түүрэг хэлээ мэдэхэ болоо” гэжэ тэмдэглээд, нэгэ-хэдэн үгэдэ бидэниешые хургаба.

Түүрэгээр “мер нааба” гэхэдээ, “сайн байна”, харин “ношчокаал” гээ наа, “баяртай” гэнэн удхатай. Саашадаа энэ түүрэг-буряад лицей тухай бэшэхэ, хөөрэхэ тухай энэ лицейн завуч Должидма Цырен-Дашиевна Доржиеватай

хэлсэбэбди.

Ерээдүйн мэргэжэлтэдые хургаха, саашань эрдэм мэдэсыень дээшлүүлхэ, мүнөө лицейдэ, бусад эрдэм нуралсалай эмхинүүдтэ хэрэгсэлнүүдээр тулалха, багшанарай салиншыень хангаха үүргэтэй энэ шэнэ жасын президентэ, бусад эмхидхэгшэдтэ баяр хүргэнэбди. Буряад-түүрэг лицейдэ бүхы хэлэнүүдээ, бусад предметүүдээ адли тэгшээр үхибүүд шудалжа, түрэл республикаа нэрлүүлхэ, үргэхэ, дэмжэхэ ерээдүйн бэрхэ мэргэжэлтэд болохо бээ гэжэ найдаха дуран хүрэнэ.

**Б. ОРБОДОВА.**

**ЗУРАГУУД ДЭЭРЭ: тус жасын президент, господин Садеттин Башер үгэ хэлэнэ; Буряад Республикын эрдэм нуралсалай министр С. Д. Намсараев жаса байгуулаһадые амаршална; буряад-түүрэг лицейн хүбүүд гуу гуулаһа.**

М. ШАНТАКОВОЙ фото.

Хүн ба хуули

## НАЛОГ ТҮЛЭДЭГГҮЙШҮҮЛ ОЛОШОРНО

Улаан-Үдын Железнодорожно районной гүрэнэй налоговой инспекци налоговой хуулиин ёһоор хиналтын хүдэлмэри саг үргэлжэ ябуулдаг юм.

1995 оной 11 харын туршада налоговой инспекци 1104 предприятия хүн бүхэнэй олзын налоговой татабари хэр зүбөөр абадагые шалгаһан байна. Шалгалтын үедэ олзын налог түлэхэ хуулиие хазагайруулаһанай түлөө 3196 миллион түхэригэй яла тохогодоо. Урзанданайхитай зэргэсүүлхэдэ, нёдондо 978 миллион түхэригтэ болоо бэлэй.

Хиналтын хүүлээр, нэмэжэ тоологдоһон олзын налоговой 1751 миллион түхэригын бюджеттэ оруулагдаа.

Нэмэжэ тоологдоһон мүнгэнэй үри шэриие зарим предприятинууд үшөө түлөөдүй: замай дистанци—101744,7 мянган түхэриг, Сигнализациин болон хэлхэ холбооной дистанци—187214,5 мянган түхэриг, “ЖГС” АООТ-ой 4-дэхи СМУ—81413,9 мянган түхэриг, энэ акционернэ бүлгэмэй 5-дахы СМУ—109634,9 мянган түхэриг, Буряадай хүдөө ажахын академи—151393,7 мянган түхэриг гэхэ мэтэ. Энэ списогые “ударидагша” Улаан-Үдын авиазавод 7880330 мянган түхэриг уритэй юм.

Налогой инспекци юридическэ ба физическэ нюурнуудһаа налоговой мүнгэнэй ороһые саг үргэлжэ шалгадаг юм. Энэ талаар инспекциин тусхай комисси эмхидхэгдэбэ. Тус комиссиин хүдэлмэридэ районной захиргаанай гулвагай орлогшо А. А. Бертаков,

инспекциин начальник, таһагуудай хүтэлбэрилэгшэд хабаадалсана.

Саг соогоо налог түлөөгүй предпрятинуудай хүтэлбэрилэгшэдые, ахамад бухгалтернуудые недели бүхэндэ үнгэргэгдэдэг зүблөөндөө урижа, ямар шалтагаанаар түлбэри удааруулагдаһан гэжэ элирүүдэг юм.

11 харын туршада 4758 олзын ажал эрхилэгшэдэй ажал ябуулга шалгагдаа. Эдэнэй 611 хүниинь олзо, гаршаяа дууу тооложо, налоговой хуули хазагайруулаһан байна. 61 миллион түхэригэй ялын мүнгэн бюджеттэ оруулагдаа. Тийгэбэшье элдэб шалтагаан оложо, налог түлэдэггүйшүүд хүүлэй үедэ олошорно.

Даб дээрэ хуули хазагайруулагдаһадаа нүлөө үзүүлхэ, харюусалгада хабаадуулха хэрэг үшөөл гуримшалагдаагүй гэжэ хэлэлтэй.

Налогой мүнгөөр хүн бүхэн ажаһууна гэжэ үшөөл олонхид ойлгоногүй хаш. Зүгөөр гүрэнэй бюджет ехэнхидэе налоговой мүнгөөр бүрилдэдэг гэшэ. Эндэһээ социальна дэмжэлгын, туһаламжын мүнгэн гаргашалагдадаг ха юм. Налогой мүнгэнэй бага байгаа наань, социальна туһаламжын мүнгэншые бага байха ха юм даа.

**Н. ИГНАЕВА,**  
Железнодорожно районной ГНИ-гэй начальник,  
налоговой албанай II рангы советник.









